

enotatus, et olim *Conuentus sancti Thome martiris Quinqueecclesijs fundati fratrum predicatorum*, dein *M. Nicolai de Czeek* praedicatoris Ecclesiae illius, qui illum a *F. Paulino O. P.* in concambium pro *Epistolis Hieronymi* accepit, continet *Nicolai de Lira O. M.* celebris *Sec. XIV.* Bibliorum interpretis *Postillas in Pentateuchum*, ut mox ab inventa typographia saepius editae sunt, et in *Bibliis glossatis* v. g. *Lugduni 1545.* f. habentur. Nobis rubro praescriptae sunt: *Incipit lectura Nicolai de lira. Primus prologus de Commendatione sacre scripture.* Ejus initium: *Hec omnia liber vite &c.* Prologus alter infit ita: *Uidi in dextra sedentis &c.* Tum procedit *Expositio.* Singulis libris subiectus est *Scriptio* annus *1485.* *Genesi* praeterea additur: *in penthecosten uel citra, Numeris: 2^a die festiuitatis Augustini, et Deuteronomio: Finis in festo Beati Mathei apostoli et Euangeliste.*

CXIX.

- U. 55 Codex chartaceus lat. Sec. XV. Folior. 393. f. luculente exaratus, et rubricis distinctus *Lectio* nem *Cursoriam*, ut vocabant, Bibliorum, et quidem in *Pentateuchum* continet Autore quodam *Academiae Vien.* Professore, qui hoc ipso *Exemplo* pro *Schola* usus est, ut varia cum in marginibus adiecta, tum in schedis infertis adnotata credibile faciunt. Praemisit ille primo *breuem collationem diuinalem sapientie recommendato-*

riam, tum septem regulas secundum Nico. de lira exponendi sacram scripturam, demum Genesin sic ingressus est: *In principio creauit deus celum et terram. Secundum diuisionem consuetam dimissis curiosis tota sacra scriptura in duas partes diuiditur in vetus uidelicet et nouum testamentum &c.* Ad calcem *Geneseos* jacet haec nota: *1438. 3^a. feria post egidi finitum est hoc opus.* Ad calcem *Exodi* altera: *Finis expositionis super exodum lecte et finite in scolis 2^a. feria post Annunciationem Marie. 1439.* Tandem ad *Deuteron.* calcem, quae et *Codicis* est: *1440. viti.* Literae plerumque probe infitit *Commentator* eruendus fortassis e *Professorum Catalogo* in *Tabulariis Univerfitatis.*

CXX.

- Codex chartaceus lat. Sec. XV. U. 126 Folior. nunc 229. f. non una manu currente conscriptus et rubro distinctus complectitur *I. Lecturam in Genesin*, cuius *Prooemium* infit: *In principio creauit &c. Obmissis diuisionibus curiosis accipio primam diuisionem quae magis est consuetata. Tota igitur scriptura sacra diuiditur in duas partes uidelicet in vetus et nouum testamentum &c.* Ad calcem legas: *Explicit Anno Domini M^o CCCC^o XXXIII. in festo Sancti Udalrici hora 1. in libraria Collegij.* In dorso vero *Codicis* manu recentiore tribuitur *Johanni (Gröfssel) de Tittmanning Oppido Salisburg.* Theologo nostro celebri et *D. Stephani Cano.*

Canonico jam alias memorato, qui intra annos 1436—65. quater Rectoris officio functus excessit a. 1472.

II. fol. 151. sequitur *Epistola secunda ad Corinthios lecta pro secundo cursu*. Quae cum eodem calamo exarata sit, quidni ad eundem Interpretem *Gröselium* pertineat. Orditur ille: *Accedendo ad litteram secunde epistole ad Corinthios Notandum primo, quod apostolus paulus precepto domini et saluatoris nostri ammonitus &c.* Et subseribit: *Anno Domini M° CCCC 33. explicit Opus presentis epistole cum dubijs et notabilibus feriis secunda ante francisci.*

III. fol. 208. usque ad finem Collectanea ex omni Theologia solertissime minimis etiam chartae spatii adlita, atque in his Indices in utramque praecedentem *Lectionem*, Versus quidam *μνημονεύματα* sacri, Series Regum *Israel*, *Prologus* in quaedam Statuta Facultatis theologiae *Vindob.* qui incipit: *Testante sapiente nec non experientia rerum Magistra clarius approbante &c.* neque reperitur in *Statutis* a Lambecio L. II. *Comment.* c. 5. vulgatis et a *Kollaro* in T. I. *Analect.* ad col. 41. translatis, habetque inter alia: *Hinc iusto dei — iudicio vere religionis sapientia tanquam ab ingratis abscedit, et in occiduis Europae finibus sedem sibi primum in parisiaca Vrbe delegit, a qua per clarissimos viros patres nostros primitiuos, quorum anime deo viuant, in hanc australem plagam et hoc spectabile oppidum Wyenn. Apostoli-*

ca suffultos auctoritate — feliciter seminata dimoscitur &c. Jam igitur decesserant *Henricus de Hassia, Henr. ab Oyta &c.* Statuta ipsa absunt. Demum fol. seq. 220. *Stephani Temperii Ep. Parisini* Condemnatio dicentium: *Posse aliquid verum esse secundum Philosophiam, et falsum secundum Religionem Catholicam, et quorundam Librorum de Amore, de Geomantia, Nigromantia &c.* Data anno Domini M° CC° LXVII. dominica qua cantatur *Letare in curia parisiensi.* Error in anno; *Stephanus* enim a. primum 1268. *Episcopatum* adiit. Itaque rectius a. 1277. ut consentiunt *Egass. Bulaeus Hist. Univ. Paris.* T. III. p. 433. *Bibliotheca PP. Lugd. T. XXV.* p. 330. et *Gallia Christ.* T. VII. col. 113. quorum priores duo Condemnationem ipsam referunt, sed mendose, praecipue *Bulaeus*. Unde potiora restituam. *Gentilium scripturis inueniunt, lege, gentilium scriptis muniunt. Non autem quod sic asserere innuunt, videantur responsiones esse, et ita palliant, lege, Ne autem, quod sic muniunt, asserere videantur, responsiones ita palliant. Ne igitur in tantum locutio, lege, Ne igitur incauta locutio. &c.* En Specimen Censurae episcopalis in licentiam opinandi et legendi.

CXXI.

Codex chartaceus lat. Sec. XIV. U. 446
Folior. 153. f. per duas columnas minute exaratus, rubroque distinctus I. complectitur *Commentarium*